

secum sicut fuit cum Moſe. Qui contradixerit ori tuo, & non obedivit cunctis sermonibus, quos præceperis ei, moriatur. Si vero ita sese ut hic, summa potestas non habeat, subjectio quoque non adeo latè est extendenda. Dicitur quidem: Omnis anima subdita sit potestatibus supereminentibus: at ita intelligendum, ut Potestati respondeat subjectio: hæc duo siquidem correlata adeoque paria sint, ut neutrum altero latius pateat. Summa potestas si est absoluta & infinita, subjectio quoque ita erit. Sin verò finita & limitata illa, hæc quoque similiter comparata erit. Quoniam itaque Deus S. R. Majestati Dania in nos, utpote immunita urbis incolas, non pacificum adhuc, saltem bellicum concessit imperium; ejus etiam est moderationis & equitatis, ut non pacificam, sed bellicam solum à nobis requirat subjectionem, i. e. non ea jam postulat, olim qua Josua à subditis suis, vel nunc nuper Serenissimus Rex Suecia à nobis, queque obsequentissimè præstita fuere, postulavit; tributum puta armorum & expeditionis, ut ad arma veniamus, quod nostrum quidam contra concives suo ausu fecere, optimus Rex à nobis non postulat. Hoc enim qui agunt, absque voluntate ipsius, imo invito eo hoc agunt, adeoque omni jure triptici patibulo dignissimi: primum quidem quod proprio ausu citra omne mandatum diripere atque latrocinia committere audeant: deinde quod ea diripiant, quæ sibi ipse jure belli Rex attribuerat; postremo, quod ut dixi, concivium suorum bona tam nefario ausu diripiant; quod pessimum hominum genus, humanam quanquam declinet, nunquam tamen divinam, de qua non est quod dubitet, vindictam evitabit. Hoc ne perduellem & perjurum in Regem Sueciæ fuisse? hocne cives à legitimo suo Rege in hostium partes pertrahere instituisse? Quid dici potuit illo rerum statu in Regem Sueciæ fidelius? quid candidius? quid denique in eos qui se hostes ipsius

S

proba-